

الرشاد

سری ۱۳۳۰

والله يهدي من يشاء الى صراط مستقيم دینی، علمی، ادبی، سیاسی هفته‌لق جموعه اسلامیہ در اتبعون اهدکم سبیل الرشاد

صاحب و مدیر مسئول : ع . اشرف ادیب

جلد ۲ - ۹

۶ کانون اول ۱۳۲۸

پنجشنبه

۹ محرم ۱۳۳۱

عدد ۶۱ - ۲۲۳

اك بیکس و اك شایان مرحمت بر قسمی تشکیل ایتکده درلر .
بوزوالیلرک بو دقیقه اللهدن باشقه حامیلری یوقدر .
اوراده کی قرداشلریزه ایدیلن فناقلری ، یاپیلان قتل عاملری بویله بر
ستونله دکل جلدلر طولوسی یازی یازمتله بتیرمک قابل دکدر .

باغار وحشتی

بلغارستانک محکوم اسارتنده یشایان بیچاره اسلام قردشلیریزه
بلغارلر طرفندن ایدیان ظلم و تعدیات آرتق توپلری اورپرتجک بر
رادهیه وارمشدر .
اوراده هر آن دایاغه ، تعرض و قتاله معروض بولنان سفالتدن
ایکله یق قردشلیریزه انسانه دکل ، وحشی حیوانلره بیله روا کوروله میه جک
مظالم یالقمده در .
بلغارستانده سفر برلرک اعلانندن برو قتل ایدیلن معصوم و
بیکنه اسلاملرک حد و حسابی یوقدر .
آغلامقدن یالوارمقدن ظالملر متاثر اولمادیلر . اسلاملره مسکون
اولان کوی و قصبه لر بوکون برر مزارستان حالتی آلدیلر .
شهید و قتل ایدیلن اسلاملرک کیروده طول قالان عاٹله و چوجو-
قلرینک حاللری کورمک اک غدار قلبلری بیله آغلامق ایچون کافیدر .
بلغارستان مسلمانلرینک مدار افتخاری اولان ومنوراتی
تشکیل ایدن بر خیلی کنجلی شیهه اوزرینه توقیف
ایدیلرک زندانلرده دایاق و قورقو آلتده تبحن ایتدیلر .
باغار حیدودلری سوقاقلرده حکومتک کوزی اوکنده قافله قافله
کزمکده ومالری میز یغما ایله والده لریمک ، همشیره لریمک ناموسلرینه
تجاوز ایتکده درلر .
دلی اورمان طرفلرنده بر چوق بیکنه اسلاملری قورشونه
دیزدیلر .

رازغرامد ملحق « قالاوا » قریه سنده یوزدن زیاده اسلامی
اوچر اوچر باغلابوب قصابخانه ده قیون کسر کی کسدیلر .
پراوادی به تابع « مرادلر » قریه سنده کی اسلام معتبراتی غزالایه رق
یاقدیلر .
سلسلته ده کی جوامع شریفه عسکره مخصوص دوموز یاغی دبولغنه
تحویل ایدیلر .

کذا سلسلته نک سطرلی جامع شریفی مؤذنی حافظ محمدافندی به
بلغار نظامیه عسکرلری جامعده ، او مقام مقدسده بیک درلو
اشکنجه لر ایدرک دین میمنزله اکلندکن وزواللی بی سونکولریله
سجده به یاتیرتدیروب توفک دیجیکلریله پک چوق دوکدکنصکره
منارهدن آشانی آتهرق بیچاره بی حیاسندن قطع امید ایدیلرک صورتده
جرح ایتمشدر .

بلغارستانک هر طرفلرنده اسلاملره کیجه کوندوز آنغاریا
ایشلتدیرلرکده در .

میدان حربدن کلن بلغار مجروحلری جنرال رادقودیمرفک

لحومک کندی اللریله قاوورمه یاللسی واوز غازی اولادلرینه تقدیم
قلنمسی قرارلاشدیرلمشیدی . بیرامک ایکنجی کونی ایدی ، قائممقام
پک ، حاکم افندی وبتون اشراف قربانلری برر حکومت جوا-
رنده کی بیکار باشنه کتیرلدی ، بر دعا ایدیلرک قربانلر ذبح ایدلمک
باشلاندی . هپ بر آغزندن بارگاه احدیته ایصال قلنان تکبیر صدالری
وجدانی یرندن اویناندی ، توپلری اورپرتدی . ذبح ایدلمک ، قربان
اولغله لایق اولان کندیلری ایکن من طرف الله بوحیوانجقارک کندی
نفسلرینه فدا و بدل اولدیغنی هرکس بیلیور . لسانلری تکبیر خوان ،
کوزلری ملول ملول ذبیحه نکران ، اشک تاثر سیلان ایدیوردی .
محافظه دین ووطن ایچون بوحیوانجقارک کی کندیلری ده اولمک ،
قربان اولق ایچون سونیوردی . ذبح ایشی ختام بولدی ، بیوک
کوچک اللر ، قوللر صیغامغه ، بر فعالیت فوق العاده ایله اتلر طوغرا مغه ،
قاوورمه یالغله باشلاندی . بوایشه قائممقام و حاکم افندیلر طرفندن ده
بالفعل اشتراک ایدلدی تمیز و نفیس اولمسنه غایت دقت ایدلدی .
اوتوز ایکی ساعت غیرت اولنهرق اوچیوز اوتوز ایکی قیه قاوورمه
احضار و تشکله قونه رق آغزلری لهملندی . بونکله برابر قصبه
و قرادن ۶۳۸ عدد کومک ، ۷۳۴ عدد طون و ۲۷۹ عدد باموقلی
یلک تدارک ایدیلرک حربیه نظارت جلیله سنه تقدیم ایدلمک اوزره
مقام قائممقامیدن قرمان قائمما مغه ارسال قلندی . حیت اسلامی سی
جوشان ذوات قربان دریسی و اعانه تقدیه جمعی ایچون قریه شتاب
ایتدیلر . بمنه الکرم جمع وارسالنده بونلرکده آریجه اشعار قلنه جغتک
عرضیله اشبو ورقه نک جریده اسلامی لرینک برکوشه سنه درجی
استرحام ایلم .

موط قضای مفتیسی

محمد نادر

سبیل الرشاد

بز امینزک ، رهبرلک ایدنلر اولسه ، بتون مسلمانلر حق یولنده
هر درلو فدا کارلقدن چکنمزلر . فقط نه چاره که ملت رهبر اولسی
لازم کلن علما و مفتیلر رهبر محتاج بر حالده . بتون مفتیلر من مشارالیه
محمدافندی حضرتلری کی اولسه یدی نه لر اولور ، نه لر یاپیله بیلیردی ...
الله جمله مزی خواب غفلتدن ایفاظ ایلمه !

سبیل الرشاد میره اسمعیسی اراده نه

افندم

بلغارستانده کوردیکم ظلم و اعتسافات اوزرینه بریچق ماه مقدم رومانیا
طوپراغنه التجایه مجبور اولمشدق .
بوندن اون بش کون مقدم عسکری معاینه سی ایچون بلغارستانه کیتمشدم .
بلغارلر اسلام کنجلی معاینه ایدوب پندرلرینک ثروتلرینه کوزه ویرکو
آلیرلر . بوسنه عسکری ویرکوسی کچن سنه لره نسبتله ایکی قات دهافضله در .
معاینه بی متعاقب تبدیل هویت ایله دین و ملیتی صاقلایه رق بلغارستانک
برچوق قصبه لرینی طولاشمغه واورالرده یشامق فلاکتسه معروض قالان
دینداشلیریمک حاللری کوزلرله کورمکه موفق اولدم .
بلغارستان مسلمانلری بوکون اجنبی بویوندرفنی آلتنده یشایان عالم اسلامک

چوق مسلمانلرک باشلرندن فسلی آلهرق چامورلره آتیلیور، نراحت لسانیه مزه یاقیشمیهرق ذکرندن صرف نظر ایلهدیگم بر طاقم شتوم غلیظه صاورولیوردی.

بر قاق ادبسر قسله جامعنه کیدرک بوراده ذکرندن تأدب ایتدیگم بر صورتله بیسلدکن و بشقه بر جامعک محرابی اوزرینه بر پوت وضع ایتدکن صوکره تکه دنیلکه معروف بر یرده مدفون اولان بر ذاتک صندوقه سنده کی اورتولری کاملاً آلمشدر.

اشغالک دردنجی کونده چارشو جامعنده مؤذن اذان او قودینی و بر قاق اسلام ادای فریضة صلاة ایچون جامعده بولندی بر صروده بر قاق کوکلی ایله یونان نفراتی جامع کیره رک مؤذنی مناره دن ایندیزمشدر. بونک اوزرینه اهالی پرهیجان اسبابی صوردقلرنده اذاتک خرسیتیانلری قتل عام ایتک ایچون تلقینانده بولندی سوبیلهرک جماعتی طیدناری به چیقارمشر و جامع قبولری قیامشدر.

آفریقا:

انور بکک تشبانی. — استانبول غرتیه سنده اوقونمشدر: (روما) دن اشعار اولندیغه نظراً انور بکک (لوزان) مصالحه نامه سنی تصدیق و (بنغازی) قطعه سنی عساکر عثمانیه دن تخلیه ایتدیرمک ایچون شمدی به قدر واقع اولان مساعی عقیم قالمشدر. انور بک قاهره به کوندردیکی مأمورلر واسطه سیله ارسال ایلهدیکی بیاننامه ده بنغازینک ایتالیانلر طرفندن اشغالی غیر ممکن قیلیم اوزره کافی السابق خارجه ده کی اسلاملرک معاونت و مظاهره لازمه ده بولمسی لزومی اعلان ایلشدر.

انور بک اردوی عثمانین استعفا ایدوب علاقه سنی قطع ایلش اولدیغدن شمدی بنغازی قطعه سنده بر حکومت مختاریه تشکیل ایتکده در. مشارالیه بنغازینک انکشاف و ترقی سنی تأمین و شکل اداره سنی اصلاح ایچون تدابیر و تشبیهات لازمه به توسل و هر طرفه مأمورلر تعیین وکی و برکولر طرح ایلشدر. اک صوکه اتخاذ ایلهدیکی تدبیر بنغازی قطعه سنده واقع اوله جق ادخالات اوزرینه یوزده اون کمرک وضعیدر.

عینی زمانده (درنه) ده کی ایتالیا مواقعه بموملر یکیدن باشلامشدر. هرکیجه ایتالیا قره غوللاری عساکر محافظه بی سلاح باشنه دعوت ایتکده در. مشارالیه ک فوق العاده بر نفوذی حائر اولمسی اداره جدیدیه ایچون عظیم منابع واردات تأمین ایلشدر. مصر دن متادیا کروانلر کلیور. بر اسلام قومیتیه سی اعانات جمع ایتکده و متادیا انور بک ایله مناسباته بولمقده در.

فرمانده همایونه قرائتی. — طرابلس غرب دن وقوع بولان اشعاراتده کانون اول افرنجینک سکرنجی بازار کونی طرابلس غرب ایالتی نائب السلطانی شمس الدین پاشا حضرتلرینک دائره علیه لری بالقونندن کیفیت نصبلرینه دائر شرفصا در اولان فرمان هایونک مراسم مخصوصه ایله قرائت ایدلیدیکی بیلدیرلمکده در. عقیب قرائتده یکریمی بر پاره طوب انداخت اولسه رق مراسم لازمه احترامیه ایفا اولمشدر.

چین:

عالم عبرت اولور. — چین سرآمدان احرارندن (سون - یات - سه ن) ک رئیس جمهور (یو - آن - شیکای) بر مکتوب یازهرق عثمانلی وقوعاتندن بر درس عبرت آلق لازم کلدیکندن شرق قریبی تقسیم ایتدکن صوکره اوروپا لیلرک طبیعتیه شرق اقصایه ده ال آتیه قیلرندن، بناء علیه ژاپونیا ایله چینک تدافعی بر اتحاد یا مالی لزومندن بحث ایتدیکنی موسقوف غرتیه لری با تلغراف پکین دن خبر ایلشدر. سون - یات - سه ن مذکور مکتوبده: بز، عثمانیلرک بکونکی مشکلاتی کنیدی قوای ملیه مزه کووه نه یوبده اوروپا موازنه سیاسیه سندن استفاده ایتک طریقله محافظه استقلال ایلک املنده اولشمز کی بیوک بر خطای سیاسی به حمل ایله یور و دیورک: اوروپا

امری اوزرینه اسراری عثمانیه نک بر چوغنی کسدکلرینی، و قرق کایسا جوارنده برکوی مکتبده اوتوز، قرقدن زیاده اسلام یاورولرینی معلملریله برلکده پارچه پارچه ایدرک اسلاملر دن آبی انتقام آلدقلرینی کال افتخار وغرور ایله حکاه ایتکده درلر.

باغراستانک قرا و قصباتی مجروحین ایله دولمشدر. تجارت کاملاً دورمش، سفالت ده شمدیدن هر طرفه باش کوسترمشدر.

طالع حربک عثمانیلره یاور اولمغه باشلامسی باغراستانده بک فنا بر تأثیر حاصل ایتمش و در حال محاربه علیهنده شدتلی رجریان باشلامشدر.

۲۸ تشرین ثانی ۱۹۱۲

رومانیا: خرسوه

شیراز:

بالقانلر:

روانامازک مو فیتی. — باش قوماندانلق وکالت جلیله سنده دونمای هایون قوماندانلغندن وارد اولان ۳ کانون اول ۳۲۸ تاریخلی تلغرافنامه صورتیدر: «بوکون قبل الزوال سکزی یکریمی کچهرک بوغازدن خروج ایدیلرک دشمنله تماس واقع اولدی. یدی بیک بمیوز الی متره دن اوچیک اکیبوز متره قدر آتش تعاطی ایدلیدی. ضابطان و افراد طرفندن متانت و شجاعت فوق العاده ابراز اولمشدر. بریحق ساعت دوام ایدن محاربه ده (آهرروف) ه اوچ درت مریمی اصابت ایتمش و باشنده کی یکریمی درتک نارت ایله سنجاق باش اوموزلغنده کی اون طقوزلق تارتده آتش کسلمشدر. دشمنک دیگر سفاتی اهمیتسز برایکی انداختدن صوکره آچلمشدر. بعده محاربه یالکیز (آهرروف) ایله دوام ایتمش ایسه ده اوده دیگر سفاتی آلهرق پیره جهته طوغری آچیلوب فرار ایتلمشدر. بحمدالله تعالی سفاتمزده برکونا خار اولدینی معروضدر.»

یادیده مظفریت. — غرب اردوسی قوماندانلغندن کلن تلغرافنامه نک صورتیدر: «یانبه نک شرقنده کی قوندراجی و پرسقو خطنده یونانلیلرله ایکی کوندن بری جریان ایدن محاربه شدیدده دشمنه تلفات کلیه و بر دیریلرک تشکیل ایدلیدی و ایکی پیاده آلای و بر جبل بطاریه سی و بر خیل اشقیادن مرکب بر دشمن قولنک دخی پاپاس کوپروسنده قیز آغا خانی استقامتنده منزهماً رجعت ایتدیرلیدیکی کی آیسراندایه اخراج ایلش اولان دشمنک قوای منتظمه سیله اشقیاسی و بر جبل بطاریه سیله بر مترایوز بلوکنندن عبارت قوتلری اوزرینه طرفزدن اجرا ایدیلن شدتلی بر تعرض ایله اشبو دشمن مفروضه سی ده پریشان و بر چوق تلفاته دوچار اولمش و سراندوز ایله حیاره استقامتنده تعقیبنه دوام اولمقده بولمشدر.»

مذاکرات صلحه. — عثمانلی و دول متفقه مرخصلرندن مرکب صلح قونفرانسی بازار ایتسی کونی لوندرده «سن جیس» سراینده ایلک اجتماعی عقد ایتشدر. بواجتماعه «سیرادوار غره ی» طرفندن بیان خوش آمدی اولمش و مذاکرات اوزرینه بر نطق ایراد ایدیلرک طرفین یکدیگرینه تقدیم قلنقله اکتفا ایدیلشدر. صالی کونی مرخصلر مذاکرات صلحیه به ابتدار ایتک اوزره برنجی جلسه یی عقد ایلشدر. عثمانلی مرخصلری آلدقلری تعلیمات موجبجه یونان حکومتی طرفندن مشارکه پروتوقولی امضا ایدلکجه حکومت مذکوره مرخصلری ایله صلح مذاکراته کیریمیه جکلرینی تبلیغ ایلشدر. بونک اوزرینه مذاکرات صلحیه دن اول بومسئله مستأخره نک تدقیقه قرار ویرلمشدر.

مرالیمه صلیک رذالتیری. — اناطولی غرتیه سی مخبری یازیور: اسلاملره یاپیلان حقارتلر، تزیقلر غیر قابل تعداد و توصیفدر. بر